

公開組

冠軍

【秋日過黃花崗】王忠義

烈士填溝壑，風雷動九垓。
亦知今日死，所念兆民哀。
四野層陰重，三秋義氣摧。
鬼雄無一語，誰薦菊花杯。

亞軍

【重過羊城】黃文彬

少年未識歌金縷，翻向名城濺血來。
濁世當時渾似醉，白頭重認卻堪哀。
卅年海角何曾慣，前度劉郎竟又回。
師友可憐零落盡，獨餘煙夢不能摧。

季軍

【宋王台懷古】馮影仙

宋王一去贖斯台，偶撫豐碑認劫灰。
避地已無乾淨土，撐天誰是棟樑材。
中原父老空垂涕，南渡君臣亦可哀。
極目西風殘照裏，鄉關何處幾低徊。

優異獎

(排名按姓氏筆畫序)

【暮春重經前督轅】王忠義

日暮羣芳靜，風微晚浪平。
碧山堆玉閣，老幹布朱櫻。
孤鶻雲間落，初蟬竹埭鳴。
不知歌舞歇，喬木正遷鶯。

【秦始皇】何永釗

橫連縱合始兼并，大略雄才萬世名。
蓬島至今遺赤子，驪宮當日誤蒼生。
既嚴秦法猶餘火，即鑄金人尚有兵。
翻笑祖龍輕國本，防胡端欲賴長城。

【登臺】周鍾鳴

颯颯秋風動地迴，前朝人物已飛灰。
江山有恨供清夢，潮水無情淹舊苔。
千里暮巒分斷雁，幾番明月照離杯。
登高不啻飄零感，懷古傷今弔影來。

【春晨登砲台山，聞故老言淪陷時

此乃激戰之地】陳毓雷

巒頭殘壘隱蒿萊，晨運登臨故砲台。
今日樓衢如錦織，昔年敵寇似蝗來。
腥風淒厲孤軍敗，香島淪亡百姓哀。
回首硝煙鏖戰地，血紅幾處杜鵑開。

【過利舞臺戲院舊址】潘少孟

舞臺昔日管弦聲，曾演民間不了情。
善惡忠奸觀粉面，悲歡離合說浮生。
登場唱罷前人下，建廈看將舊館傾。
簫鼓鈞天無復見，楹聯留得證枯榮。

公開組

特別獎

(排名按姓氏筆畫序)

【月下思】何鴻宗

故鄉圓月為誰明，撫盡危闌百感生。
縱有瓊樓樓舊夢，何如滄海覓移情。
人窺一棵神仙桂，我怕三更杜宇聲。
但願天涯長照影，清輝無際岫雲平。

【白帝廟】林世鉅

殿閣嵯峨白帝城，君臣千載祀良明。
雲開楚塞風檣影，雨下巴山鐵馬聲。
魚浦暮煙迷八陣，夔門秋月弔空營。
三分霸業歸何許，欵乃棹歌猿夜驚。

【登寶雲亭】林華安

重尋屐齒趁春明，眾侶閒亭有舊盟。
曲徑通幽生活水，濃陰送綠躍詩情。
一川廣廈迷新霧，半島獅山易故閔。
人事滄桑休細說，江湖釣手任縱橫。

【讀史有懷岳武穆】胡守恕

趙構原來拒父兄，如何抗直不通情。
張劉掣肘軍心怯，主客朋奸和議成。
未飲黃龍先飲恨，欲吞胡羯反吞聲。
風波亭畔風雲變，三字奇冤舉世驚。

【過宋王臺】陳錫熊

故臺人去石空橫，榮辱滄桑感慨生。
東望鯉門來紫氣，北瞻龍寨變新城。
陳橋回馬興炎宋，海角勤王走敗兵。
陸秀夫存貞魄在，千秋長作怒濤聲。

學生組

冠軍

【讀《文革中彭總》】

黃令時 浸信會呂明才中學

廣柳車中帥，群童捉搦來。

天威原未測，民瘼錯言哀。

應悔匡廬會，誰遊雲夢回。

漢家恩亦厚，絳灌不同灰。

亞軍

【詠黃興】

梁偉民 香港城市大學

當年萬里染朱彤，彈雨雲旗點塞烽。
勁節堪撐泉下塚，先驅應比世間龍。
懷君幾度春秋冷，裁史何時黨國封。
最是荒涼有祠屋，覃思空寄兩三松。

季軍

【宋外患】

李卓偉 廖寶珊紀念書院

飛沙汗馬且紛紛，大宋猶如灞上軍。
萬古忠臣填瀚海，滿朝逆豎繞昏君。
但窮圖冊輸金絹，更報胡兒動鼓鼙。
黃帝子孫俱散髮，非緣晉祖割燕雲。

學生組

優異獎

(排名按姓氏筆畫序)

【屈原】

朱妙玲 珠海書院

庚寅橘樹生，品似日高明。
香草無歸路，春風未解情。
非憐荊楚玉，卻愛汨羅清。
壯志雖難遂，終贏不朽聲。

【過青山韓愈舊題】

梁志勇 香港樹仁學院

二月香城寒未消，南天杯渡倍峯嶢。
高山第一立宇外，氣象萬千凌九霄。
縷縷輕煙籠廣廈，零零細雨打芭蕉。
海隅自好休垂淚，況有文章蓋六朝。

【夜讀出師表滿江紅詞】

有懷諸葛丞相岳忠武王】

陳冠璋 香港嶺南學院

將相男兒寧有種，此身非為太平來。
聯吳抗魏三分策，復漢還都蓋世材。
直搗黃龍迎二主，誓殲逆虜醉千杯。
英雄俱是難成願，萬古流芳萬古哀。

香港公共圖書館

HONG KONG PUBLIC LIBRARIES

優異獎

(排名按姓氏筆畫序)

【花木蘭】

陳寧 香港中文大學

且卷軍書易曉妝，木蘭代父射天狼。
銀屏別後胭脂冷，鐵甲從今夜氣涼。
十里黃沙迴戰鼓，幾番碧血染沙場。
笑看鶯燕誇顏色，鴻鵠凌風意氣揚。

【日本侵華】

蕭偉東 香港中文大學

鎮海將軍去不回，如潮倭寇闖關來。
蘆溝黑夜驚侵月，淞水深秋隱發雷。
歷劫石頭淪劫火，橫飛槍炮捲飛灰。
神州灑遍英雄血，萬里山河動地哀。

特別獎

(排名按姓氏筆畫序)

【輓湯師定宇】

陳婉君 香港樹仁學院

遼鶴東歸去，稀才不復生。
桃蹊成綠蔭，楮墨顯奇名。
苑室殘經籍，塵寰恨落英。
神遊方外境，感感剩離情。

【哀長平】

詹達懿 觀塘官立中學

秦戈趙戟耀長平，北騎鏊垂血濺纓。
暗暗悲筋降幟起，遙遙故國疊巒行。
山摧壯士齊吽哭，地毀亡魂獨顫驚。
四十萬人同日死，輓歌猶奏淚生情。